



Universitätsbibliothek Paderborn

Occupatio animae Jesu Christo crvcifixo devotee.

Leroy, François

Pragae, 1666

Caput XVI. Profundam passionis Christi oblivionem, in salutis negotio rem
periculi plenam esse.

[urn:nbn:de:hbz:466:1-47123](#)

quam recentiores passim eos S. Bernardo attribuunt) quibus ille Christum italoquentem facit, & cum ingrato peccatore expostulantem.

*Homo, vide que pro te patior.
Ad te clamo, qui pro te morior.
Vide penas quibus afficior.
Vide clevos quibus confodior.
Cum tantus sit dolor exterior;
Interior planctus est gravior,
Tam ingratum dum te experior.*

C A P V T X V I .

Profundam passionis Christi oblivionem, in salutis negotio rem periculi plenam esse.

Extratum hoc esto, ad jugem in animis nostris exsuscitandam passionis Christi memoriam, atque ad piam circa Crucifixum exercitationem, incitamentum: quod licet ex hac tenus dictis videatur fortasse non difficulter intelligi; tamen credidi non fore inutile, si illud seorsum expunerem, & triplici ista ratione, tametsi paucis, affirmarem.

Prima: quod veluti proxime jam à nobis dictum est, tanti, tam singularis, tamq; necessarij beneficij, quod Christi morte ac passione accepimus, oblivisci; animi sit sanè adversus ipsum amantissimum, ac profusissimum Redemptorem ingratissimi; eiq; proinde non posit speciali quādam ratione non displicere. Ut autem ait S. Bernardus: *Peremisericordia res est ingratitudo, hostis gratia, inimica salutis.* Et rursum: *est ventus urens, siccans sibi fontem pietatis, rorem misericordiae, fluentia gratiae, &c.*

Serm. de 7. misericordia. Quod si universim, seu respectu cuiusvis Divini beneficij, verum est: quanto magis sibi fontem obstruet cælestis gratia,

gratiæ, quæ adeò nobis ad salutem necessaria est, qui adversus fontem ipsum gratiæ, & caput omnium divinorum beneficiorum, hoc est adversus ipsam Christi passionem ac mortem, adeò extiterit ingratus? Hinc enim idem Doctor mellifluus non dubitat asserere: *Nihil ita difficit D E O,* Serm. de 7. miseric.
presertim in filijs gratiæ, quam ingratitudo. Et expressius in p. 2. sim. c. 6.
 eam rem Doctor Seraphicus: *Quid pejus, inquit, aut magis mortiferum aut pestiferum, quam passionibus Christi non compati, aut tanti beneficij ingratum existere?*

Altera: quod qui hæc ratione per cæcam quandam socordiam, vivit immemor dolorum ac vulnerum Salvatoris, inconsultè se privet singulari, & (secundùm S. Augustinum) præ cæteris efficaci remedio, adversus diaboli tentamenta, & cupiditates illecebrosas; quæ nisi sedulò omniq; ope provideamus, facile nos in peccatum pertrahunt, discrimenq; salutis. Idq; non Patres modò, sed Scriptura etiam non obscurè significat; dum sollicitius nos admonet, sive (ut vidimus) ut Christum passum recognoscimus, ne forte deficiamus animis nostris adversus peccatum repugnantes; sive, ut hæc ipsa cogitatione tanquam scuto armemur, in quo videlicet possimus omnia inimici tela ignea excipere & extinguere. Sic enim in sua priori epistola S. Petrus: *Christo igitur in carne passo (inquit) & vos eadem cogitatione armamini;* I. Pet. 4. *qui a qui passus est in carne desit a peccatis: ut jam non desiderijs hominum; sed voluntati D E I, quod reliquum est in carne vivat temporis.* Quibus aperte significat: Hominem passionis Christi memoriæ ac cogitatione armatum, ad ipsius Christi imitationem, ita mori peccatis, ut jam non obsequatur carnis suæ desiderijs, sed in tempus reliquum. Deo vivat, ejusq; voluntati subserviat. Adeoque, quod dicebamus, assiduum passionum Christi meditationem, esse veluti quoddam animæ scutum impenetrabile: quo etiam nonnulli trahunt illud Threnorum Jeremiæ: *Dabis eis*

N 3

scutum

Hec. Pint. scutum cordis labore tuum: hoc est, inquiunt, labore, *Tren. 3.* passionis tuae, quo tanquam scuto protegantur adversus irruentes tentationes.

Verum ad certam peccati fugam quantopere conduceat jugis circa Christum crucifixum exercitatio; alias occurrit magis opportunus dicendi locus.

Postrema: quod eadem ingrata passionis Christi oblivio, animum arguat, ex indole suâ (ut ita loquar) & suo tanquam ingenio ad spirituales res atque divinas, parum propensum ac comparatum. Nam profectò tam rara in multorum animis mortis filij Dei memoria, luce clarius signum est, vel admodum infirmæ ac languescentis fidei, vel exigui amoris erga tam amantem atque profusum liberatorem, vel modicæ sanè estimationis tanti tamq; immensi beneficij, vel animi denique de æterna sua salute parum solliciti. Quibus ex capitibus clarum est, æternam ipsam hominis salutem in non exiguum discrimen adduci. Ut non temerè autores iij qui de signis ac notis divinæ prædestinationis agunt; ut passionis Christi gratam memoriam inter notas divinæ electionis; ita è diverso nullam aut exiguum ejus recordationem ac sensum, inter signa computent æternæ reprobationis. Videri potest inter alios Julius Recupitus opusculo de ea materia; ubi capite 16. istud pluribus confirmat, scilicet oblivionem passionis Christi signum reprobationis esse.

Denique quodam loco S. Bernardus, cùm de opere nostræ redemptionis ageret, illudq; (quasi indignabundus) quæreret: *Quid ad hæc dormitat affectio?* Mox quasi vocem corrigens subjungit: *Immò verò mortua est illa, non dormit, quæ huic beneficio non respondet, quæ se totam non effundit in gratiarum actionem, & vocem laudis.* Ita Bernardus.

Veruntamen sufficiet haec tenus, tum de hoc capite, tum universè de incitamentis ad piam circa Christum crucifixum occupationem, prout usus erat, disputasse.

CAPV